

LIGJI NR. 08/L-158

**PËR NDRYSHIMIN DHE PLOTËSIMIN E LIGJIT NR. 06/L-122
PËR MINISTRINË E MBROJTJES**

Kuvendi i Republikës së Kosovës:

Në bazë të nenit 65 (1) të Kushtetutës së Republikës së Kosovës,

Miraton:

**LIGJ PËR NDRYSHIMIN DHE PLOTËSIMIN E LIGJIT NR. 06/L-122
PËR MINISTRINË E MBROJTJES**

Neni 1

Ky ligj ka për qëllim ndryshimin dhe plotësimin e Ligjit Nr. 06/L-122 për Ministrinë e Mbrojtjes.

Neni 2

Nenit 3 të ligjit bazik, pas nën-paragrafit 1.9. të paragrafit 1. shtohet nën-paragrafi i ri 1.10. si dhe paragrafët 2. dhe 3., si në vijim:

1.10. **Ligj bazik** - Ligji Nr. 06/L-122 për Ministrinë e Mbrojtjes.

2. Zyrtar publik sipas këtij ligji dhe legjislacionit tjetër në fuqi - personeli civil në MM/FSK, që kanë të bëjnë me rregullimin ndryshe vetëm për këto elemente të marrëdhënies së punës:

2.1. kushte të veçanta apo shtesë për rekrutim;

2.2. të drejtat ose detyrimet specifike të tjera nga ato të parashikuara në legjislacionin në fuqi;

2.3. rregullat e veçanta për zhvillimin e karrierës sipas sistemit të gradave/ekuivalenca me gradat ushtarake;

2.4. zhvillimin profesional dhe nevojat për trajnime;

2.5. transferimin dhe sistematizimin e nëpunësve;

2.6. orarin e punës, i cili në raste të veçanta mund të tejkalojë kufirin e orarit të punës të përcaktuar me legjislacionin në fuqi si dhe pushimin vjetor.

3. Shprehjet tjera të përdorura në këtë ligj kanë kuptimin e njëjtë me përkufizimet e dhëna si në ligjin bazik.

Neni 3

Neni 4 i ligjit bazik ndryshohet si në vijim:

Neni 4

Ministria e Mbrojtjes

1. Ministria e Mbrojtjes është organ i administratës shtetërore dhe e përbërë nga personeli i integruar civil dhe ushtarak i FSK-së. Ministria e Mbrojtjes është përgjegjëse për mbikëqyrjen dhe kontrollin civil demokratik mbi FSK.

2. Personeli ushtarak i sistemuar në MM janë nën autoritetin e Zyrtarit Kryesor Administrativ dhe u përgjigjen mbikëqyrësve të tyre të drejtpërdrejtë.

3. Personeli civil në MM dhe FSK, përveç të emëruarave politikë, janë zyrtarë publik, statusi i të cilëve rregullohet me këtë ligj dhe me legjislacionin tjetër në fuqi. Personeli civil në MM dhe FSK ruajnë parimin e ekuivalencës në shërbim me gradat ushtarake, përfshirë pagat, arsimimin, trajnimin dhe ushqimin në pajtim me legjislacionin në fuqi.

4. Ministria e Mbrojtjes drejtohet nga Ministri dhe organizohet në këto nivele:

4.1. Sekretari i Përgjithshëm;

4.2. Departamentet, dhe

4.3. Divizionet.

5. Përgjithësisht nga paragrafi 4. i këtij neni, në kuadër të Ministrisë së Mbrojtjes funksionon Inspektori Gjeneral, i cili është nën varësinë direkte të Ministrit të Mbrojtjes. Fushë veprimtare e Inspektorit Gjeneral rregullohet me akt të veçantë nënligjor të nxjerr nga Ministri.

6. Në kuadër të Ministrisë së Mbrojtjes mund të funksionojnë agjencitë të themeluara me ligj të veçantë.

7. Riorganizimi i brendshëm dhe sistematizimi i vendeve të punës në Ministri, përcaktohet me akt të veçantë nënligjor të nxjerr nga Kryeministri, duke marrë parasysh këtë ligj dhe legjislacionin tjetër në fuqi.

8. Ministria harton dhe zbaton politikat e përgjithshme shtetërore të mbrojtjes në nivelin strategjik, si dhe ushtron funksionet e kompetencat e saj, në përputhje me Kushtetutën dhe legjislacionin në fuqi.

9. Ministria e Mbrojtjes ka në përdorim Stemën e vet dalluese:

9.1. Dukja, përmasa dhe përdorimi i stemës së Ministrisë së Mbrojtjes përcaktohet me akt të veçantë nënligjor të nxjerrë nga Ministri.

Neni 4

Neni 5, nën-paragrafët 1.8. dhe 1.15. të paragrafit 1. të ligjit bazik ndryshohen si dhe pas nën-paragrafit 1.19. shtohen nën-paragrafët, 1.20., 1.21., 1.22., 1.23., 1.24. dhe 1.25., me tekstin si në vijim:

1.8. përcakton procesin e planifikimit, programimit, buxhetimit dhe ekzekutimit;

1.15. zhvillimin dhe monitorimin e politikave, planeve dhe programeve për menaxhimin, mirëmbajtjen dhe organizimin e sistemeve të komunikimit, të teknologjisë informative dhe mbrojtjes kibernetike;

1.20. hartimin e politikave për edukimin, vetëdijesimin dhe ngritjen e potencialit të qytetarëve të Republikës së Kosovës, për shërbim në fushën e mbrojtjes;

1.21. përcakton politikat e inteligjencës dhe sigurisë së mbrojtjes në fushëveprimin e saj;

1.22. përcakton hierarkinë e dokumenteve strategjike, autoritetin e vendimmarrjes, menaxhimin, koordinimin dhe monitorimin në MM dhe FSK;

1.23. mbikëqyrjen ministrore të FSK-së, që kryhet përmes departamenteve përkatëse të

Ministrisë së Mbrojtjes, të cilat mbulojnë të gjitha çështjet e FSK-së të nivelit strategjik;

1.24. përcaktimin e rregullave për siguri fizike dhe hyrje-dalje të personelit civil dhe ushtarak;

1.25. në zbatim të nën-paragrafëve 1.13. dhe 1.14., të paragrafit 1. të nenit 5 të ligjit bazik si dhe nën paragrafëve 1.8., 1.20., 1.22. dhe 1.24. të këtij neni, Ministri nxjerr akte të veçanta nënligjore.

Neni 5

Neni 6 i ligjit bazik ndryshohet si në vijim:

Neni 6 **Ministri i Mbrojtjes**

1. Ministri i Mbrojtjes:

1.1. përfaqëson Republikën e Kosovës në nivel ndërkombëtar në çështjet e mbrojtjes;

1.2. përcakton dhe drejton fondin e Ministrisë së Mbrojtjes dhe mbikëqyr shpenzimin e buxhetit të mbrojtjes;

1.3. propozon buxhetin e MM/FSK-së dhe mbikëqyr shpenzimet nga buxheti i miratuar;

1.4. i rekomandon Kryeministrit programet e veçanta në fushën e mbrojtjes të cilat kërkojnë mbështetje financiare;

1.5. inicion dhe propozon të gjitha dokumentet e nevojshme të politikave, planet afatgjata të zhvillimit lidhur me Forcën e Sigurisë së Kosovës për t'u shqyrtuar nga Qeveria, Këshilli i Sigurisë së Kosovës dhe Kuvendi i Kosovës;

1.6. i propozon Kryeministrit, për miratim nga Presidenti, emërimin, gradimin, shkarkimin dhe lirin nga detyra të Komandantit të Forcës së Sigurisë së Kosovës;

1.7. i propozon Kryeministrit planin e vendosjes së Forcës së Sigurisë së Kosovës në kohë paqeje;

1.8. i propozon Kryeministrit strukturën organizative të Forcës së Sigurisë së Kosovës;

1.9. inspekton MM-në dhe FSK-në përmes Inspektorit Gjeneral;

1.10. është përgjegjës për kontrollin ministror dhe mbikëqyrjen civile dhe demokratike të FSK-së dhe merr të gjitha vendimet përfundimtare për çështjet të cilat janë në kompetencën e tij/saj për të kryer këto përgjegjësi;

2. Ministri, në konsultim me Kryeministrin, i propozon Presidentit, sipas rekomandimit të Komandantit të Forcës së Sigurisë së Kosovës:

2.1. emërimet, gradimet, shkarkimet dhe lirimet në gradën e Gjeneralit;

2.2. stemën e Forcës së Sigurisë së Kosovës, emblemat e njësive, dukjen e gradave dhe uniformave të Forcës së Sigurisë së Kosovës, pas propozimit fillestar nga KOMFSK.

3. Ministri propozon emërimet dhe tërheqjen e atasheve të mbrojtjes pranë përfaqësive diplomatike të Republikës së Kosovës.

4. Ministri, ushtron edhe përgjegjësi tjera të përcaktuara me legjislacionin në fuqi.

Neni 6

Neni 7, nën paragrafi 2.2. i paragrafit 2. të ligjit bazik, ndryshohet si në vijim:

2.2. kontrollon, mbikëqyr dhe menaxhon të gjitha proceset ministrore të lidhura me fushën e mbrojtjes dhe koordinon të gjitha aktivitetet e departamenteve të cilat ndër veprojnë me FSK-në në të gjitha fushat përkatëse.

Neni 7 **Aktet nënligjore**

1. Aktet nënligjore të parapara me këtë ligj nxirren më së largu në afat prej dymbëdhjetë (12) muaj nga hyrja në fuqi e këtij ligji.

2. Aktet nënligjore që janë në fuqi vazhdojnë të zbatohen, deri në nxjerrjen e akteve të reja nënligjore, me kusht që të mos jenë në kundërshtim me këtë ligj.

Neni 8 **Hyrja në fuqi**

Ky ligj hyn në fuqi pesëmbëdhjetë (15) ditë pas publikimit në Gazetën Zyrtare të Republikës së Kosovës.

Ligji Nr. 08/L-158
10 nëntor 2022

Shpallur me dekretin Nr. DL-333/2022, datë 25.11.2022 nga Presidentja e Republikës së Kosovës Vjosa Osmani-Sadriu